



* Special Report *



-Thangkhanlal Ngaihte,
New Delhi

DELHI SIAMSINPAWLPI JT HEADQUARTERS IN SILVER JUBILEE '25 YEARS OF SIAMSIN' LAWM

Paite kampau sinlaite kigak khawmna Siamsinpawlpi in Delhi ah tukum Chiang in kum 25 mel muta hi. Hiai hun '25 Years of Siamsin', Delhi khopi laizang a SAI International Centre, Lodhi Road ah October 11, 2005 in thupitak in lopna om hi.

Siamsinpawlpi Joint Headquarters, Delhi in hiai hun zat didan nguuntak a gel detdet in ahun tunma in tamveitak a cheplawkna leh rehearsal ana nei uhi. Item tuamtuam a tan neite naktak a akisak kholh chiat ban uah Video incharge mithum- K. Thangpi, John Lal Gwite leh KK Valte- te'n strategy kikum in tele-conferencing bang ana nei hial uhi. Hiai Silver Jubilee lopna hun ah Pathian

pahtawina pia in 'To God be the Glory' chih slogan kipia ahi.


Hiaite ban ah a cheplawkna taktak leh ki mobilise na hikawm in October 7-8, 2005 sung Kiroli Mal College, Delhi University ah *XIth Siamsin Sports Meet 2005* om. Hiai ninih sung in Delhi a siamsin mipi omte group 4- *Bukpi, Bungpilawn, Dialkhai leh Kaihlam*- a kikhen in game tuamtuam in kimawlina om hi. Hiai in atup tak bel ei-le-ei kal a lawmtakna leh kitheihthuahna

khansak sem di' hileh kilawm hi. Hiai hun ah item tuamtuam- Chess, Sudoku, Blind Kiss, race leh group item tuamtuam tamtak a kimawlina kinei a, siamsinte'n nuam kisa chiat a theih ahi. Hiai hun sungteng, bangdang genlouh in, Nescafe company te'n mipi kuapeuh in duh zahzah dawntheih Coffee limtak a thawn in hong pia uhi! A nikhat ni Pu T. Roumuan Paite, IRS Khuallian hikawm in hong a, Pu Biaklun Shoute, Asst. Manager, Hindusan Lever Ltd. in Hiai Sports khakna Khuallian hikawm in nei hi.

October 11 zingkal dak 8 vel in Delhi khawpi kilkawm tenga kithehdalh Siamsinte bus in mun tuamtuam apan hong nawnkhawm hi. Bus bahara buaipih ngailou. Siamsinte'n mahni nampuan liangbat, ok leh teeng in zing dak 10 in kikhopna munding SAI Centre kitung siausiau. Conference booklet, Siamsin badge (lunch coupon hingal) leh Silver Jubilee Badge te usherte apan



Samkang tuh upat chiamtehna ahia, pilna chiamtehna ahikei. - Greek.



la in Hall mial khipkhep, vot didek sung kilut hi (a khelhman chauhle Rs 35,000 vel khawng ahihsam chia). Ahunchiam dak ngak akihi ta mai...

Programme toh kituak a 10:30 am ahong gin in stage tung a screen ah 'SSPP Sports and Conference Flashback 2005' hongdawk a, slight projector (Cinema chimai ni) in nikum conference leh sports lai a chiamtehtham deuh hunte honglang hi. Hiai Flashback hun abei, Dak 10:55 in Conference Coordinator T. Thanghnun, pupa kicheidan a kizem in hong dawk a, aman compere mithumte-N. Jonathan, Remmawi leh Cicy Biakhoih-pulakna nei hi. Tua zoh in Upa K. Ginkhanthang in Pathian kiang a thumna leh kipahthu genna hun zang.



*A suanhuai mahmah
Lia Grace Nemching, SSPP
Delhi Jt. Hqtrs. President thak
dia telching in om.*

Mipi'n *Siamsinawlpi*
Lapi akisak zoh in Siamsinmi Delhi honglut thakte putlakna hun kizang. Tukum in Fresher mi 75 vel record ah om a, amaute stage a khatkhat a hongpai in self-introduction hong bawl uh. Ms. Grace Nemching, Lecturer-*Jesus and Mary College*(DU) in amaute hasotna thu siamtak in hon gen a, Class hoihtak a la a teacherte toh kilawmtaak sawmding, zingkal thoubaih ding, biakna limsak ding, local guardian hoihtak neihding leh Hindi siampah sawmding chihte in hasuan hi. Delhi EBC Pastor T. Tunson in Joshua laibu pansan in siamsinte hattak leh hangtak a omdin hasuan a, thumna zong neihsak bok hi. Hiai zoh in artists Hauginlian leh Biaklunte'n 'Dial Dial In e' chihla honsa uh.

Dak 11:40 am ahong gin chiangin SSPP/Delhi President *Nang Za Kai Suante* in Presidential Speech hong bawl. Heutu masate panlaknate phattaak ahihdan gen in tu term a vaipawte putlakna hongnei. Huan tutung conference a Coordinator mi 4 te leh Office Inteekepa te pahtaakna thilpiak piak khiakna om hi. Hiai hun a kizatlai in Chief Guest Pu Vanlalazawma, MP-Mizoram hall sung ah honglut hi. Huai zoh in ei Paite pau a Magazine i neihsun Tongluang phatuamngaitaka kum 10 val ana suahkhia Pu K. Paukhansuan,

Editor: Tongluang kiangah 'SSPP Jt. HQ Delhi Memento' piakkhiakna leng nei ngal hi. Chief Guest welcome na in Delhi Siamsinte' lasiam Ms Momoi in Sapkangla siamtak in hon awi nawn, amah zoh in artist mah Mr. David in 'Heina Dangdi'n K'on phal Lou e' chihla honsa.

Dak 12:17 pm ahong gin chiangin Education Board te'n hun hongzang uhi. Nikum hunsung a literary leh academic field a competition kisai te a asiambiikte prize piakna hun om hi. Topper Award tuamtuum zong hiai hun in kipekhia hi. Hiai item abei in Ms. Mercy in 'Gual toh Nunnuam a Heina' chihla sa a, amah zoh phet in Mr. Hauginlian leh Tunkhankhup te'n 'Tuunsung Khatpan' chihla awi uh. Nuam himai!

12:33 pm in Cultural Programme hun kipanta. SSPP Cultural Troupe te'n hun sawttak ana zil uh namlaam chituamtuum te siamtak in stage ah hong show ua, namdang deuh omkhate bang ennuam kisa lua a ahih geekgawkw nalam un anung ua tute bang liahkha zezen uh kichi!

Cultural Show abei 12:43 pm in, Chief Guest hongding. SSPP/Delhi Ex-President Pu Dawnga Hauzel in mipi mai a introduce na honnei a, tuazoh in Chief Guest in thugenna hunla hi. Aman agenna ah thupil, "Might is Right" kichi

Mi thupi i chihte pen thu nuailut dia mansa gigte ahi uh.



25 years of SIAM SIN

tulai khovel ah dikzou nawnlou in 'Knowledge is Power' chih dikzawta chi hi. A zawng ahau in hun kibang chiat inei a, huai azang siamsiam thunei suak ahita chi a, nidang in numei bangle amelhoih hoih vualtungtuang himahleh tulaiin amelhoithe kongngak khawng apang zawta in, amel siasia a saap apangta hileh kilawm, chi. Siamsin mipite'n hiai Delhi a i omna ziak thei a, theihtawp suahdi'n hasuan hi. Huan AIR, Aizawl a Paite programme omsak nadi toh kisai ah panlak pih chiam a, hiaite banah ei Zo suante kikhentheih hilou, ki unauna lungsim ineih leh nidang a British te'n 'purely for administrative convenience' a gamgi ana khunte un hondal zoulou ding ahi, chi'n genbok hi.

Chief Guest in ahun azoh in Zomi siamsin member honna sihsan sate suunna hun kizang. Mipite dai dide akiding in, Ms. Neihkim in 'Phamsa Mihangte' chihla honsa a, honna paisansa lawm-le-vualte kiphawktak in mitamtakte khitui toh ki om hi. Tuazoh in kisukhalh nawnna ding in 'Veteran Team te'n la tuamtuum gawmkhawm sakna nei ua, mipite mukchipzou kuamah ki om mahmah lou hi. Amau zoh in lasiam Ms. Momoi leh Thanlian-McPie te 'Sometimes When We Touch'.

chihla kidawng in hongsa, huan McPie ten la dang khat in zui bok uh. Hall sung lum zoizoi mai.

Dak 1:40 pm agin toh kiton in SSPP/Delhi Secretary Pauminsang Guite hongding a, amau term sung a nna kitem suah khenkhat putlakna nei, Toupa'n tutan tan ahonpi na kipahthu gen in ahun zou hi. Ama zoh in 'Plain Melon' ten stage ah performance honnei ua, huai zoh in McPie te'n public demand in ahamta alawmpa uh Jessie theihgigena a la kiphuak sakna nei ua, lungkhoih mahmah hi.

13:54 pm in Election Commission te'n hunla ua, CEC Pu H. Kam Suanthang in candidate thum om mahleh nihte akizuk kik ziak un khat paisuak a, amah uncontest a ching ahi chi'n puang ngal a, amah Phamsa Pu Thangkhanpau Guite tanu Ms. Grace Nemching, Lecturer-JMC leh PhD Scholar pulak in mipi'n President teelching thak support na in khuttum zial in

khut kilik hi. Tuazoh in entertainment programme leh Lunch break kizang hi....

Lunch (sun-ann) aki neek zoh dak 15:07 in Second Session kipan nawn a, item masa *Kids' Traditional Dress Show* om a, hiai hunah Siamsin naupang kum 3 apan kum 10 kal mi 14 te'n nampuan design tuamtuum silh in stage ah show bawl uhi. Mipite'n mittai huai kisa petmah. A result leng kipuung ngal a, Ms. Thangngaihlun d/o Siamnou Ngaihte, Mr. Songminthang d/o Thiankhanmuan leh Ms Rousiam d/o Ms. Vungngaihte te'n 1st, 2nd leh 3rd prize la ua, adangteng leng Consolation Prize kipia hi. Hiai hunsung mah in Mr. Mangnou apan English number 'I Want To Know' chihla kingai khia. Amau zoh in McPie in 'Ka Pianna Zogam Lei Aw' chihla sa nawn uh. Anunglam a tute om kinken thei nawnlou!!

Dak 3:42 pm in '25 Years of Siamsin' kipan a, hiai hun ah Screen in kum paisa 25 sung a

SSPP JT. HQ. DELHI OVERALL TOPPER AWARD

Sponsored by: SSPP Jt.Hq. Delhi

➤ Mr. George L. Samte,
s/o Mr. Nengdoupau Samte
Class XII (Sc),
St. Columbus
84.8%

DELHI ah SSPP member siamsin
leh sepna nei mi 1,300+ hidia
tuat ahi.

25 years of SIAM SIN




SSPP Jt.Hq. Delhi in
Tongluang Editor kiang ah
Memento pia.



25 years of SIAM SIN
Siam Sin International Centre
2005-2010 INTERNATIONAL CENTRE

SSPP Delhi vai ana pawkhate leh anasep khiak uh poimoh biikte hong lang a, Ms. Luni Guite in siamtak in lem hong kilang te hilhchetna bawl hi. Hiai hun beiphet in Ex-Presidents/Secretaries te'n Flag March honnei ua, amaute'n flag tawikawm in stage honzuan ua, stage ah Siamsin Daakpi hong kipawlut in President Nang Za Kai Suante in Jubilee Dak 25 vei honsat ging dungdung mai. Mipi'n hiai tan honpi Pathian phat in 'Aw Ka Lal leh Ka Pathian Uh' chihla kisa a, Evan.Thawngkhanlian, ZCF-Delhi in kipathu genna thumna nei hi. Tuazoh chiangin Mr. Lalbawi apan 'Zogam in Hong Deih Hi' chihla ki ngaikhia a, ama zoh in Mr. Johnson in la nalhdeuh dangkhat hong awi leuleu...

Dak 4:17 pm ahong gin in Silver Jubilee Magazine saipawlte hong kisa uh. Editor-in-Chief Pu Kamkhenthang Guite in a editorial team te introduce nanei. Aman sum kiseng zahte putlakna nei in Advertisers te leh Patronte tung ah kipathu puak hi. Tua zoh in



hiai Magazine "Empowerment and the Siamsin Community" kichi honna Pu Pumchinkhup Guite in nei hi. Amah Ex-President omkhate lak a senior pen ahi. Magazine copy masa 25te heutumuan teeltuamte kiang kipe khia hi. Magazine saipawlte hun abei in Delhi Veteran te apan la kumlui bangzah hiam kingai khia a, amau band a kibawl in music kitum vek in mipite thathousak petmah uh.

Amatau chauhdi isak leh Entertainer Chris Tonsing hongdawk khia. Huaichauh ale mipi awngzak khin!! Aman ala phuahthak, tulai mahmah, 'K'on Ngai Lua Hi' chihla awi ziahziah...Hiai teng kia hilou...Lamka apan hiai hun zang dia hong kuan 'EIPAWL' ten hun honla uh. La chituamtuam-Lengkulla, Blue Line Bus-la, Baba Black Sheep etc etc. te sa uh. Mipi tamtak ten 'muk in anasep zouzou mahmah lou' chi uh.

Dak 5:15pm in President

elect Grace Nemching hunpiak in om a, aman hun hongpaidi a sepdi tamtak omte ah Siamsinthe kithuahpihna ngen a, tuazoh in Q&A session om in hun zoungal hi.

Dak 5:20 pm in programme nuampetmah "Romance Flashback" kipan.Hiaihun ah actor siamtaktak ten nidanglai a pu-pate ana kiheeldan uh, nidang a Mangkangpau siamte akingaihsan dan, tulai a sum-lepai mahmah ki ngaisang ta, Itna taktak om nawnlou, chihte drama in show ua, apilhuai banah etnophuai petmah hi. Dakkal khat valzen hunzang mahle uh mipi kichim lou in kichimtaak sam lou hi.

Dak 6:30 pm in Pu Roumuan Paite, Coordinator SJCCC '05 in kipathu genna hun honzang a, miphatuam ngai bang zahhiamte minloh in huaitengteng ziaak a hiaibang alohching ahun kizang thei ahihdan gen hi. Tua zoh in Mr. Thanglien, Preacher-CoC Delhi in thumna ah hunkhak hi. ☺

PS: Hiai Silver Jubilee hun zang a, Chief Host dia chial a om Pu H. Mangchinkhup, Gen. President, Siamsinpawlpi, Imphal a flight cancel ahihziak in ahun in hongtung theilou a, anitak in hongtung hi!! Siamsinpawlpi Foundation Trust a dingin Rs.10,000/- leng GHQ President Pu Mangchinkhupo kiang ah pekhe ngal uhi. Siamsinpawlpi heutute apan kiza dan in hiai hun asum kizang khia Rs 2 Lac vel hi a, hiai lak a bangzah hiam Siamsinpawlpi sung mi, panmun hoihzawdeuh lente khenkhat hahpanna toh company-Hindustan Levers Ltd; Philips, Nescafe leh Punjab National Bank te apan a muhsuah ahi. Mitamtak te'n hiai bang hun akizat chia ataltaak leh upalam deuh te kidang koihmai lou a, nasatak a pan alak ziaak ua pichingsuak ahi chi uh. Huan, Silver Jubilee zatdan toh kisai feedback tamtak lutte lak ah, Career guidance lam hahbawl zawkding, Music leh La Zogam alamdeuhte mah pibawl ding, academic thillamte naksem a encourage ding, chihte tel hi.

Nangmah kipahna di'n ne inla, midang' kipahna di'n kichei in. - Franklin

Tongluang

A Monthly Magazine

Rs. 10/-

Hindan Bawlphatna Leh Lailam Khansakna

Vol. XI

NOUKHA (NOVEMBER) 2005

No. 2

Jatropha Curcas

the future fuel

Special Report

25 years of SIAMSiN

siamsinpawlp joint headquarters delhi



11 OCTOBER 2005 | SAI INTERNATIONAL CENTRE | LODHI ROAD